



## **Universitätsbibliothek Paderborn**

**Joannis Commirii E Societate Jesu Carminum Libri Tres**

**Commire, Jean**

**Lutetiæ Parisiorum, 1678**

IV. Eidem. De duobus Trajectis eodem mense, recurrente anno, ejus  
auspicio ductuque captis.

**urn:nbn:de:hbz:466:1-14818**

Cur timeas autem : feralis crima lunæ  
 Corrigere aspectu scilicet ipse potes.  
 Cœlestem reficit lunam sol lumine amico :  
 Deficit ante oculos hæc , Lodoice , tuos.

## III.

## E I D E M.

*De cornuto , ut vocant , opere occupato à nostris , cum  
 paratus ad subruendam loricam cuniculus  
 frustra fuisset.*

**C**ORNIBUS horrendam , rostroque decemplice molē  
 Dum parat emota vertere fossor humo :  
 Irritus erupit , Batavoque innoxius ignis ;  
 Et damnum nostris perniciemque tulit.  
 Virtutis grande ingenium est , cum principis ora ,  
 Atque oculos testes sentit adesse sibi.  
 Speratam reperit qua suppleat arte ruinam ;  
 It miles , gladiis & sibi pandit iter.  
 Jam peccare igni , Lodoice , impune licebit :  
 Cuniculum & flamas Gallicus ensis habet.

## IV.

## E I D E M.

*De duobus Trajectis eodem mense , recurrente anno ,  
 ejus auspicio ductuque captis.*

**S**TANT geminæ Latiis structæ legionibus urbes ;  
 Ambæ trajecto nomen ab amne ferunt.  
 Nam superimposito Rhenum altera ponte coerct ;  
 Altera captivis te , Mosa , frenat aquis.  
 Utraque sub domino servire indigna Batavo ,  
 Fxussit Franco vindice turpe jugum.

Mense eodem cessere : ast illa corona prioris ;  
 Hæc anni alterius laurea prima fuit.  
 Abstulit hanc bellum , belli metus abstulit illam ;  
 Hæc meruit , voluit sponte sed illa capi.  
 Par decus ambarum est , dispar fortuna : probavit  
 Hæc dextram invicti principis , illa fidem.

## V.

## E I D E M.

*In extemporales ejus victorias.*

**F**LOS ille regum , nemo quo decentius  
 Solio resedit Galliae :  
 Extemporalis cum poëtas cerneret  
 Appetere laudem carminis :  
 Extemporalis author ipse factus est ,  
 Et artifex victoriae.  
 Citiusque , quam quod cœperant vates opus ,  
 Lodoicus absolvit suum.

## VI.

## E I D E M.

*De eodem argumento.*

**P**ALMARUM fama insignis , Lodoïce , tuarum ,  
 Jam pene heroas reddidit indecores .  
 His pretiosa fuit , magno & victoria constans :  
 At ludus Batavos edomuisse tibi est .  
 Heroum monumenta tuis qui conferet actis ;  
 Illos esse homines , te feret esse Deum .